

Сретение Господне

2 / 15 февраля



## Тропáрь праздника:

Рáдуйся, Благодáтная Богорóдице Дéво, из Тебé бо возсия Сóлнце Прáвды – Христóс, Бог наш, просвещáяй сýщия во тьме. Веселíся и ты, стáрче прáведный, приéмый во объáтия Свободíтеля душ нáших, дáрующаго нам воскресéние.

## Песнь I

### Канон праздника

**Ирмос:** *Сушу глубородительную землю солнце нашествова иногда: яко стена бо, огусте обаполы<sup>1</sup> вода людем пешомореходящим<sup>2</sup> и Богоугодно поющим: поим, Господеви, славно бо прославися.*

<sup>1</sup>по обе стороны застыла  
<sup>2</sup>когда народ переходил море пешком

Да кáплют вóду óблацы, Сóлнце бо, на óблаце лéгце носíмо, настáло есть, на нетлénную рукú, Христóс в цёркви я́ко Младéнец. Тёмже, вёрнии, возопийм: пойм Гóсподеви, слáвно бо прослáвися.

Крепíтся, рúце Симеóни, стáростию осла́бленнии, лýста<sup>3</sup> же претруждéнна стáрча правобыстрó движíтася<sup>4</sup> Христú на срéтение, лик со безплóтными состáвльше, пойм Гóсподеви, слáвно бо прослáвися.

<sup>3</sup>ноги  
<sup>4</sup>двигайтесь

Рáзумом простёртая Небесá, весéлитесь, и  
рáдуйся, землѣ, из Пребожѣственных бо  
недр Хитрѣц<sup>5</sup> прошѣд Христós, Мáтерию  
Дѣвою Бóгу Отцú принóсится Младѣнец,  
Иже прѣжде всех, слáвно бо прослáвился.

**Катавасия:** *Сúшу глубородительную зѣмлю  
сóлнце нашѣствова иногда: я́ко стенá бо, огустѣ  
обапóлы вода́ людем пешимореходя́щим и Бого-  
угóдно пою́щим: по́им, Гóсподеви, слáвно бо про-  
слáвился.*

## Песнь 3

### Канон праздника

**Ирмос:** *Утверждение на Тя надеющихся, утвер-  
ди, Господи, Церковь, Юже<sup>6</sup> стяжал еси честною  
Твоею Кровию.*

Перворождѣн из Отцá прѣжде век, Перво-  
рождѣн Младѣнец из Дѣвы нетлѣнныя, Ада́-  
му рúку простира́я, яв́ися.

Младоúмна б́ивша<sup>7</sup> прѣлестию первоздан-  
наго<sup>8</sup> пáки исправля́й Бог Сло́во, младѣн-  
ствовав, яв́ися<sup>9</sup>.

Земл́и исча́дие<sup>10</sup>, пáки потѣкшее в ню, Бо-  
жества́ сообра́зное естество́ Зиждíteль я́ко  
непрелóжне, младѣнствовав, яв́и.

<sup>5</sup>создатель,  
умелец

<sup>6</sup>которую

<sup>7</sup>ставшего  
младен-  
цем по уму  
<sup>8</sup>т.е. Адама

<sup>9</sup>явился  
Младенцем  
<sup>10</sup>естество,  
произо-  
шедшее  
из земли

**Катавасия:** *Утверждение на Тя надеющихся, утверди, Господи, Церковь, юже стяжал еси честною Твоею Кровию.*

### Седален праздника:

На горé Синайстей дрéвле вíде Моисей задняя Бóжия, и тóнкий Божéственный глас сподóбися во мрáце же и вíхре слышати. Ны́не же Симеóн воплощённаго Бóга непрелóжне нас рáди на рúки прият и рáдостно тцáшесе итí от сýщих zde к животу́ вéчному. Тёмже вопиáше: ны́не отпуща́еши раба́ Твоего́, Влады́ко.

## Песнь 4

### Канон праздника

**Ирмос:** *Покрыла есть Небеса добродетель Твоя, Христе: из кивота бо прошед святыни, Твоя нетленная Матере, в храме славы Твоя явился еси, яко Младенец руконосим, и исполнишася вся<sup>II</sup> Твоего хваления.*

<sup>II</sup> все наполнилось

Рáдуйся, Симеóне, неизречённых тайнниче, Богорóдица вопиáше, о Нёмже от Свята́го дрéвле известíся тебе́ Дúха, младе́нствовавшего Сло́ва Христа́ на рúки приими́,

зовѣи Емѹ: исполнися вся Твоего хвалѣ-  
ния.

На Негоже уповал еси, Симеоне, воз-  
раст дѣтищный, радуясь, подыми Христа,  
Израиля Божественнаго утешение, закона  
Творца и Владыку, исполняющаго закона  
чин, зовѣи Емѹ: исполнися вся Твоего  
хвалѣния.

Видя Симеон Слово Безначальное, с  
плотию, яко на престоле Херувимстем,  
Дѣвою носимо, виновнаго еже быти всяче-  
ских, яко Младенцу дивясь, вопияше Емѹ:  
исполнися вся<sup>12</sup> Твоего хвалѣния.

<sup>12</sup>все на-  
полнилось

**Катавасия:** *Покрѣла естъ Небеса добродѣ-  
тель Твоя, Христѣ, из кивота бо прошѣд святѣ-  
ни Твоея нетлѣнныя Матере, в храмѣ славы Твоея  
явился еси яко младенец руконосимъ, и исполнися  
вся Твоего хвалѣния.*

## Песнь 5

### Канон праздника

**Ирмос:** *Яко виде Исаия образно на престоле  
превознесена Бога, от Ангел славы доприносима, о,  
окаянный, – вопияше, – аз: провидех бо воплощаема  
Бога, Света Невечерня и миром владычествующа.*

Разумѣв Божѣственный старец проявлен-  
ную древле пророку славу, руками Слово  
зря Матерними держимо, о, радуйся, – во-  
пияше, – Чистая! Яко престол, бо держиши  
Бога, Света Невечерняго и миром влады-  
чествующа.

Поклонься старец, и стопам Божественне  
прикоснѣвся неискусобрачныя и Богомате-  
ре, Огнь, – рече, – носиши, Чистая: Младен-  
ца боюся объяти Бога, Света Невечерняго и  
миром владычествующа.

Очищается Исая, от Серафима уголь при-  
ем, старец вопияше Богоматери, Ты, яко-  
же клещами, руками просвещаети мя, по-  
давши, Егже носиши, Света Невечерняго  
и миром владычествующа.

**Катавасия:** *Яко виде Исая образно на престо-  
ле превознесена Бога, от Ангел славы доиносима,  
о, окаянный, – вопияше, – аз: провидех бо вопло-  
щаема Бога, Света Невечерня и миром владыче-  
ствующа.*

## Песнь 6

### Канон праздника

**Ирмос:** *Возопи к Тебе, видев старец очима спасение, еже людем прииде от Бога: Христе, Ты Бог мой.*

Сиону Ты камень возложился еси, непокоривым претыкание и соблазна камень, нерушимое верных спасение.

<sup>13</sup>поистине  
нося образ

Известне нося начертание<sup>13</sup> Иже прежде век Ты израстившаго, земных за милосердие ныне немощию обложися<sup>14</sup>.

<sup>14</sup>облекся

Сыну Вышняго, Сыну Девы, Богу, Отрочати бывшему, поклоньшася Тебе ныне отпусти с миром.

**Катавасия:** *Возопи к Тебе видев старец очима спасение, еже людем прииде от Бога, Христе, Ты Бог мой.*

### Кондак праздника

Утробу Девичу освятивый Рождеством Твоим и руке Симеоне благословивый, якоже подобаше, предварив, и ныне спасл еси нас, Христэ Боже, но умирй во бранех жителство и укрепй люди, ихже возлюбил еси, Едине Человеколюбче.

## Икос

К Богорóдице притецём, хотящии Сына  
Ея видети, к Симеóну носима, Егóже с  
Небесé Безплóтнии видяще, дивляхуся, гла-  
гóлюще: чúдная зрим нýне и преслáвная,  
непостижимая, несказáнная! Иже бо Адá-  
ма создáвый нóсится я́ко Младéнец, Невме-  
стимый вмещáется на рука́х старчих, Иже  
в нéдрах неопи́санных Сый Отца́ Своегó  
волею опису́ется плóтию, а не Божествóм,  
Един Чело́веколюбец.

## Песнь 7

### Канон праздника

**Ирмос:** *Тебé во огни́ оросившаго óтроки бого-  
слóвившия, и в Дéву Нетлénну всельшагося Бóга  
Слóва по́йм, благочéстно пою́ще: благословéн Бог  
оте́ц на́ших*

Адáму известíti хотя́й идú, во áде живúщу,  
и Еве принести́ благовéстие, Симеóн во-  
пияше, со прорóки ликúя: благословéн Бог  
оте́ц на́ших.

Рóда зéмна избавля́яй Бог да́же до áда прии́-  
дет, плéнным же пода́ст всем оставлénие и

прозрѣние слепымъ, яко и немымъ вопити:  
благословенъ Богъ отецъ нашихъ.

И Твое сердце нетленная оружье пройдетъ,  
Симеонъ Богородице провозгласи, на Крестѣ зрящи Твоего Сына, Емуже вопиемъ:  
благословенъ Богъ отецъ нашихъ.

**Катавасия:** *Тебѣ во огни оросившаго отроки богословившия, и в Дѣву Нетленну всельшагося Бога Слова поимъ, благочестно поюще: благословенъ Богъ отецъ нашихъ.*

## Песнь 8

### Канон праздника

**Ирмос:** *Нестерпимому огню соединившися, Богочестия предстояще, юноши, пламенемъ же невреждени, Божественную песнь пояху: благословите, вся дела Господня, Господа и превозносите во вся вѣки.*

Людие Израилевы, Твою славу Еммануила зряще Отроча из Дѣвы, предъ лицемъ Божественнаго ковчега ныне ликуйте: благословите, вся дела Господня, Господа и превозносите во вся вѣки.

Се, Симеонъ вопияше, пререкаемое знамение Сей будетъ, Богъ Сый и Отроча, Сему,

вѣрнии, возопи́м: благослови́те, вся дела́ Господня, Гóспода и превозноси́те во вся вѣки.

Живóт сый, сей бѹдет падѣние непокорѣ-  
вым, младѣнствовав Бог Слово, яко воста́-  
ние всем вѣрою пою́щим: благослови́те, вся  
дела́ Господня, Гóспода и превозноси́те во  
вся вѣки.

**Катавасия:** *Нестерпѣмому огню соединѣвше-  
ся, Богочестия предстояще, юноши, пламенем же  
невреждѣни, Божественную песнь пояху: благосло-  
вите, вся дела́ Господня, Гóспода и превозноси́те во  
вся вѣки.*

## Песнь 9

### Канон праздника

*Стих: Богородице Дево, упование христианом,  
покрый, соблюди и спаси на Тя уповающих.*

*Стих: Богородице Дево, миру благая помощнице,  
покрый и соблюди от всякия нужды и печали.*

**Ирмос:** *В законѣ сѣни и писаний образ вѣдим,  
вѣрнии: всяк мѹжеский пол, ложесна́ разверзая,  
свят Бóгу. Тем перворождѣнное Слово, Отца́ Без-  
начальна, Сына Первородящася Материю неис-  
кусомѹжно, велича́ем.*

*Стих: Богоносе Симеоне, прииди, подыми Христа, Егоже роди Дева Чистая Мария.*

*Стих: Объемлет руками старец Симеон Соделателя закона и Владыку всяческих.*

*Стих: Не старец Мене держит, но Аз держу его: той бо от Мене отпущения просит.*

*Стих: Клеще таинственная, како уголь носиши? Како питаеши Питающаго вся?*

Иже дрѣвним новорождѣнных гóрличищ супрѣт двóица же бѣше птенцѣв, в нѣхже мѣсто Божѣственный старец и целомудренная Анна прорóчица от Дѣвы рождѣнному и Сѣину Единорóдному Отчу, в цѣрковь приносѣму, слѣжат, величающе.

*Стих: О дщи Фануилева! Прииди, стани с нами и благодари Христа Спаса, Сына Божия.*

*Стих: Анна целомудренная провещает страшная, исповедающи Христа, Творца небу и земли.*

*Стих: Непостижимо есть содеянное о Тебе Ангелом и человеком, Мати Дево Чистая.*

*Стих: Чистая Голубица, нескверная Агница, Агница и Пастыря приносит в церковь.*

Воздál есѣ мне, вопиѣше Симеóн, спасѣния Твоегó, Христѣ, радóвание, восприи-

ми Твоего служителя, сению претружденнаго<sup>15</sup>, новья благодати Священнопроповедника тайнаго во хвалении величающа.

<sup>15</sup>изнуренного  
тенью  
Закона

*О Христе, всех Царю! Победы на враги верным  
людem Твоим даруй.*

*О Христе, всех Царю! Подаждь ми слезы теплы,  
да плачу мою душу, юже зле погубих.*

*Трисиятельное и Триипостасное Божество бла-  
гочестно да похвалим.*

*О Девице Марие! Просвети мою душу, помрачен-  
ную люте житейскими сладьми.*

Священнолѣпно исповѣдашеся Анна, про-  
рицающа, целомудренная, и преподобная,  
и старца, Владыце в цѣркви явственна,  
Богородицу же, проповѣдающа всем сущим,  
величаше.

**Катавасия:** *В законѣ сени и писаний образ видим,  
вернии: всяк мужеский пол, ложесна разверзая,  
свят Богу. Тем перворожденное Слово, Отца  
Безначальна, Сына Первородяща Материю  
неискусомужно, величаем.*

Светилен Сретения:

Духом во святѣлици представ, старец на  
руки воспрят закона Владыку, вопия:

<sup>16</sup>от уз ныне соуз<sup>16</sup> мя плотских разреши, якоже рекл еси, с миром: видех бо очима откровение языков и Израилю спасение.

## Стихиры праздника

**Закон**, иже в писании, исполняя, Человеколюбец в церковь ныне приносится, и Сего приимлет старыми руками Симеон старец, ныне отпускаеши мя, вопия, ко оному блаженству: видех бо Тя днесь, плотию мертвою обложеннаго, животом господствующа и смертию властвующа.

**Свет** во откровение языков явился еси, Господи, на облаце седя легце, Солнце Правды, закона сеновное исполняя и начало изъясляя новыя благодати. Тем, Тя видев, Симеон взываше: из истления мя разреши, яко видех Тя днесь.

**Недр** Родителя не отлучься Божеством, воплощься, якоже изволил еси, объятиями держим Приснодевы, на руки подался еси Богоприимца Симеона, рукою Твоею держай всяческая; темже ныне отпускаеши мя, радостно взываше, в мире раба Твоего, яко видех Тя, Владыко.

**На руках старческих во днѣшний день, яко на колеснице Херувимстей, восклонитися благоизволивый, Христѣ Бѣже, и нас, поющих Тя, страстей мучительства призываемый избави и спаси, яко Человеколюбец.**

© Острова 2016  
[www.ostrova.org](http://www.ostrova.org)

© Община храма  
св.кн. Елисаветы,  
Санкт-Петербург